



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCLV. Soc. 115.

urn:nbn:de:hbz:466:1-42840

inuoantium te; *ave*, diuina habitatio; *ave*, mons sanctus.

1307. P. Franciscus Aguado in suo *Sapiente Christiano* solidum planè Deiparæ colendæ modum tradit; nempe, vt illius imitatione omnia nostra opera emendatè, accuratè, perfectè agamus; iuxta illud S. Gregorij Nazianzeni, quem laudat: *Illa tibi sit omnis operis, & verbi spirans imago.*

ob. 1654.
15. Ian.
fol. 354.
accuratè
agere om-
nia.

1308. Idem Deiparæ ope se ad Societatem ap- pulisse aiebat, cum horam faciendæ hac de re deli- berationis illi dedicasset. Per illam se perniciosam cuiusdam tepidi consuetudinem abiecit. Vide plura in *Annuis Toletanis*.

Vocatio.

1309. Villaregij pro suis Nouitijs erexit idè sa- cellum Deiparæ. Eiusdem imaginem in ærea lamina pictam semper gestabat in pectore, quæ illi consul- trix fuit, & pro suspirijs argumento. Sabbato in triclinio fixis humi genibus *Aue Maria* recitabat, & pedes osculabatur accumbentium seruorum DEI Matris.

Imaginem
illius ge-
stare.

ANNO MDCLV. Soc. 115.

1310. Chilenses *Annuæ* aiunt hoc anno in Col- legio nostro Bonæ Spei repertam in direptione barbarorū Deiparæ imaginem loco ab illis moueri non potuisse; manum barbari quæ imagini cola- phum infixerat, illi exaruisse; apud Boroanos Deiparæ imaginem toties cum Christi effigie su- dore maduisse quoties Christiani (singuli ad B. V. imaginem à nostris adducti, expiati, & Deiparæ de- dicati) cum barbaris confligebant; & Christianos victores è prælio reuertisse; licet hi parua manu cum illis conflixerint. Oeconomiz quoque præfe- cta est Virgo Mater: ideoque Sabbatum delectum quo foras erumpebant obsessi, & annonam abundè in-

Imago
B. V.

In bello.

inter tot pericula referebant. De victorijs latius agunt annuæ: adduntque Deiparam Indo cuidam, fideli conspectam nostræ in templo imagini similem, prædixisse fore ut breui in libertatem assererentur oblessi, ab ijs qui ex Vrbe Conceptionis venturi essent Hispani. Venere illi salui: & Boroanos secum incolumes eduxere, ac abduxere: cæsisque per iter hostibus plurimis non pauciores in Urbem Conceptionis quam inde abierant rediere.

1311 Hoc anno suauissima illa Ecclesiæ Antiphona *Salve Regina* &c. pium argumentum fuit P. Bohuslao Aloysio Balbino, ut felix inde, ac vndeque integrum anagramma educeret, Deiparâ veluti respondente, ac dicente:

*Me saluere cupis? Venio tua Virgo, Sodalis.
Sic te claudo sinu Mater: lac accipe nostrum.
Vbere celestes destillo mellis honores.
Et tergo lachrymas, & vultum amplector amatum,
Arbor ego vitæ, spes si in me fixa reclinet.
Fide Deo! Inuat ingenuos mea cura Sodales.
Dein vultu ostenso mea maxima gloria Christus
Te fessum (ò iocunda dies!) in sidera condet.*

1312 Idem pari felicitate duxit hoc anagramma e fonte totius salutationis Angelicæ; *Aue MARIA* &c.

*Chare Sodalis, ama! ut non te peccata moventur,
Ingrediare sinum: tuus est: clauderis in isto.
Totus ibi Matrem bibe: sapius vbera pressa.
Nam tibi nectur erunt cordi: fauus omnia vincet;
Vincet amor.*

1313 Hoc item anno Pragæ idem autor in lucem edidit *Dinam Virginem Vvartensem*, miraculis inclytam.

1314 Huius anni Iunio eidem autori contigione

gione pestiferè afflato, & deposito, eadem Vuar-
tensis Virgo, voto implorata, reddidit sanitatem.

In morbis.

1315 P. Franciscus Camacho se DEI Matri da-
bat in victimam: sub eius festa ieiunijs, & sex
asperis cilicijs, ac mirâ somni breuitate in seipsum
seuerior. S. Elizabethæ filia Regis Vngariæ Bea-
tissima Virgo dixit: diuinorum donorum affluen-
tiam, orantibus & carnem suam affligentibus aperiri.

Festa.

Cilicium.

S. Bona-

uent. c. 3.

medit. vi-

ta Christi.

1316 Hoc anno Romæ à nostro quodam typis
data sunt duodecim Consilia B.V. consulericis, & sin-
gula singulis exemplis Marianis, sententijsque fir-
mata. Idem tibi dicit MARIA, quod Rebecca olim
(eius vmbra) filio suo dixit: *Fili, acquiesce consilijs*
meis.

Consilia.

illius con-

scribere.

ac sequi.

Gen. 27. 3.

1317 Omnes Urbis in qua habitas (imò orbis
totius) B. Virginis ædes, ac imagines corde inui-
sere disce ex illa quæ Romæ hoc anno, eodem au-
tore, typis data est, ac dono distributa industria,
omnibus Deiparæ templis in LII. Sabbata, quibus
visi possint, digestis, cum hac ad B.V. salutatione
ibidem Italicè impressâ: *Aue, MARIA. Visito; te*
saluto te: gratulor Tuae maiestati, gloriæ, granditati,
ò MARIA Mater Dei, uiuentium, ac morientium pia
Mater! Omne id quod ego facio, & quicquid factum
est, aut fiet, fieri potest unquam in celo & in terra
pro tuo amore, & gloria à DEO, à Sanctis, ab omnibus
omniò tibi deuotis, ab omnibus denique quæ condi pos-
sunt creaturis, totum illud offero tibi per manus San-
ctorum illorum qui tibi præ alijs omnibus magis fuere
addicti; ad honorem SSS. Trinitatis, ac tuum; ad impe-
trandam per te ab illa mortem pretiosam. Gratias tibi
ago, Deus meus, mi Iesu; & vobis, omnes Angeli, ac
Sancti & Sanctæ DEI, quod Mariam hanc honore tan-
to, amore tanto prosequamini. Facite me, facite bonum

Omnia.

B.V. tem-

pla corde

visere.

FFFF

ser-

seruum, bonum discipulum, bonum filium MARIAE Reginae cordis mei, Magistrae actionum mearum, Matris animae meae. Domina, per omnes tuos honores, per omnem illum amorem quo amas SSS. Trinitatem, & quo illa te amat, quoque te complectuntur omnes electi, obsecro te; offer cor meum (ah toties rebelle Deo, sed iam penitens!) & omnia corda omnium amicorum & inimicorum meorum una cum cordibus omnium electorum, & cum corde tuo sancto, cordi IESU. Inuito te, ut quem admodum ego nunc te corde visito habitantem in caelo, & ubicunque coleris per omnia templa, altaria, & imagines totius mundi; sic me tu vicissim revisas, iuuesque potentissimo tuo auxilio in hora mortis meae: ut ingrediar illam Ecclesiam triumphantem, in qua te amabo, & honorabo, non iam in tuis imaginibus, verum coram; & gratias tibi reddam aeternas pro omnibus beneficiis quae mihi à tuo Filio impetraſti. ad viuendum & moriendum in gratia, & ad laudandum illum una tecum in gloria. Rogo te per sanctissimam mortem tuam, per pretiosam mortem omnium filiorum tuorum, atque servorum, per omnia miracula quae Roma, quae Laureti, & in orbe uniuerso patraſti; fac mecum hoc unum, unicum, pretiosum aeternumque miraculum, ut saluer; & hoc unum sufficit mihi. Aue MARIA.

*Feriam 3.
Deipara
celebrare.*

1318. Barienses nostri hoc anno effecere, ut in templo B. V. Constantinopolitanae tertiâ cuiuslibet hebdomadae feria, post hymnos de B. V. à musicis decantatos, coram populo historia de B. Virgine narretur; id quod facit vnus è nostro istic Collegio.

*Morien-
tes iuua-
re.*

1319. Laureti verò, nostris etiam adnitentibus perfectum est, ut pro omnibus animam agentibus preces horariae in templo Mariano semel quot mensibus celebrentur; & ære campano quotidie altera ante.

ante Solis occasum horâ signum detur in templo Deiparæ, quo ad comprecandum pro ijs qui in agone laborant civitas admonetur. S. Bonaventura ad Deiparam; *Erue me in die mala: & in die mortis ne obliuiscaris animam meam. Deduc me ad portum salutis inter iustos scribatur nomen meum.*

Pf. 139.

1320 Brunæ Henricus Vlrich Coad. noctes non raro integras pervigil ducebat in Sacello coram S. Mariæ Maioris imagine olim à B. Borgia istuc missa.

ob. 1655.

Noctu.

1321 P. Hyacinthus de Magistris hoc anno in Vrbe, Prouinciæ Malabaricæ Procurator, ait; Cocini templum nostrum esse ac dici templum Matris Dei: singulis diebus Sabbati multos in eo diuinam Synaxim frequentare; esseque illis concessam indulgentiam plenariam singulis mensibus pro aliqua die Sabbati cuiusvis arbitrati eligenda: iucundum esse spectaculum videre populum in diuinæ Matris amore adeo sedulum, & ardentem.

Sabbati

Communi-

nis.

1322 P. Ioannes Ludouicus Minius Venetus, religiosè omnino colebat Dei Matrem. Moriens *Aue, maris stella* &c. sibi cani voluit; atque ipse quoque supremis, quâ poterat, vocibus respondebat; quasi diceret cum S. Bonau. *Excita spiritum meum ad amandum bonitatem tuam: excita mentem ad extollendam nobilitatem tuam.*

ob. 1655.

Mortu se

per istam

parare.

Pf. 94.

Amorem

Deiparæ

per thea-

tra & sce-

nas pro-

mouere.

1323 Oeniponti hoc anno datus est in theatro spectandus Ramirus Hispaniæ olim Heros, qui ope B. Virginis de Atocha Mauros vicit: & duas filias paterna manu immolatas Deo (ne in impuras barbarorum manus inciderent) saluas recepit. Priburgi Brisgoiæ spectatus est S. Ioseph boni Mariani Sodalis idæa optima; Lucernæ adolescens Deiparæ videntæ quàm oculorum suorum retinendorum amantior;

Oculi.

Constantia, & Straubinga, Theophilus; Landishuti, expiari gemini sceleris, & veniæ per B. V. obtentæ spectaculum admirandum, Ioannes Guarinus. Et vix annus elabitur sinè hac huius amoris inflammandi industria.

Illam etiam terræ osculis honorare.

1324 Vnguarini quidam Sodalium toto hoc anno quotidie terræ sexaginta tria oscula imprimebat, honori amorique Deiparæ, quam tot annis vixisse audierat.

Elogia B. V.

1325 Friburgi Helueticorum, Sodalitas coronam MARIANAM centum Beatissimæ Virginis elogijs contextam sparsit pro xenio in Sodales.

Recta intentio.

1326 Tyrnauia, ac Landishuti singulari studio edocti Sodales, vt quicquid micat in venis, & quoties micat, singulæ spiritus reciprocationes, oculorum nictus, &c. offerantur Deo ad eius amorem & gloriam per Christi merita, & per manus MARIA: quæ, S. Isidoro, dicitur *vite interminabilis globus splendidissimus, alabastrum odoris nunquam defuturi plenissimum.*

orat. 4.

Sodal. Mancipiorum B. V. Sabb. Hora. Domus,

1327 In Angrensi Insula principe Tertiarum, instituta seruorum Deiparæ cultui ritè mancipatorum hoc anno Sodalitas: quæ, inter alia, hoc habet pro more perpetuo vt Sabbatinâ inediâ colat Deiparam; horæ sono audito *Aue MARIA* pronunciet, idque semper; neque pedem domo efferat vllus nisi exeundi veniam prius ab hac Domina postularit.

Se illi dedicare.

1328 Hoc anno Burghusij Marianus quidam 70. annorum senex, consuetam Sodalium dedicationem quâ se Deiparæ addicunt, aureo annulo insertam in Sodalitate Dei Matri donarium vnâ secum dedit. Demus nos illi sacros cui Ecclesia in festo S. Mar. Magdalene ita canit: *Dei Parens*

pys-

piissima, Eux nepotes flebiles de mille vitæ fluctibus salutis in portum vehas.

Humilitate & charitate illam colere.

1329 Limæ Sodales quovis mense, quinta hebdomadæ primæ feria ducuntur ad pedes pauperum in Xenodochio abluendos, multa Urbis nobilitate istuc exemplo pertracta. In Austriæ Provincia hoc anno octoginta Sodalitates MARIANÆ sunt numeratæ.

1330 Badenæ de gymnasio nostro Sodalis iam desperanter æger, Nostri, à quo visebatur, suasu, erecto quâ potuit, corpusculo, aperto ad reuerentiam capite, *S. Maria Mater DEI* &c. attentè pronuntiavit; spoponditque, se, si discrimen euaderet, per mensem quotidie recitaturum hymnum *Aue maris stella*. Audiit, ut piè creditur, clientem Patrona: nã è mortis ereptus faucibus restitutus est sanitati.

Ægris illam, illi agros commendare.

1331 Græcij quoque noster fœminæ in brachio apoplexia ietæ pauculas Lauretani olei è lampade B. Virginis accepti guttas dedit: & brachium illo vinctum, vsui pristino est restitutum. Plura id genus vide hoc anno in annuis.

Oleum B.V.

1332 In Austriaca Cæsaris missione, nostri 323. Neocatholicos in Vucissenburgensi agro conuersos *Marianis* corollis instructos ad B. Virginem, Cellensem supplicabundos duxêre; ut gratias agerent Deo per illam de qua *S. Bonaventura*: Ex ipsius accessu remeabitis deuotiores, ex ipsius tactu mundiores, ex ipsius amplexu virtute & gratia profusiores, & nitidiores.

Gratias illi agere pro conuersis.

In Præfat. ad psalmos.

1333 Selestadij noster ad B. V. Foyensis aram sacrificauit pro felici litis inter duos coortæ successu; cum alter alteri negaret se debere pecuniam, quam debebat, iurare iam paratus. Sed cessit alter coram magistratu, ne mendacem illum ad perieran-

Pro felici litis exitu illam orare.

*In Litan.
B. V.*

ierandum compelleret, Vix è curia discessum est, cum ille mendax, veluti arcanâ vi perculsus, pedem refert: fatetur palam debitum, pecuniamque promittit. id quod Deiparæ acceptum retulit is pro quo noster in Dei Matris honorem sacrificio fuerat operatus. S. Bonaventura: S. MARIA, inquit, que tuos seruos exaltas. S. MARIA, super omnes diligentius amanda.

*Vincere
se in ho-
norem
B. V. &
id alijs
persuade-
re.*

psal. 115.

1334 Moguntia noster Sodali vindictam in alium meditati persuasit, ut hoc amoris Deiparæ daret, ac veniam ipse peteret à lædente. Fecit id ille vi tanta sibi illata, ut lachrymæ illi ab oculis ybertim caderent à memoria recentis iniuriæ. Fecit tamen: & ingenuo candore fassus hilarè postea est, se illius victoriæ ingens prætium à Deipara retulisse. Ab eo quippe temporis articulo, præcipuâ quadam pietatis experrectæ suauitate totum sibi pectus exarsisse. S. Bonaventura: *Compacere animæ meæ, & dirige illam: dignare beneplacitum tuum insinuare illi: statue illi testamentum pacis, & dilectionis tuæ.*

*Lit. Lau-
ret.
Immac.
Concept.*

1335 Pragæ hoc anno in lucem exiit P. Christophori Vratislavi stimuli celestes, ubi explicantur Litanie Lauretanæ à nostris pluribus illustratæ. Romana lucem aspexit P. Martini de Esparza Artieda tractatus brevis, cui titulus: *Immaculata Cenceptio B. M. Virginis deducta ex origine peccati originalis.* Ibidem P. Ioannes Rho Italicè edidit Sabbata templi Domus Professæ Romanæ, seu 110. historias de B. V.

*eb. 1658.
atq. 88.*

1336 Antuerpiæ P. Martinus Philippus de Conzelt (vir qui suæ virginitatis thesaurum se Dei Matris cultui debere fassus est confessorio suo) hoc anno impressit in folio tomis duobus Theatrum excellentiarum SS. Deiparæ ex consociatione excellen-
tia-

marum sui Filij. Dedicat opus *Virginum ac Matrum* maxima. Ibi de illa oracula erudita omnium seculorum, & ingentia nomina: ibi opulentæ origines nominis *Mariani*; & denique *consociatio* illa mirabilis inter Filium Deum, & Matrem Dei. Olim Laureti fuit pœnitentiarius. De Deipara libenter, & suauiter loquebatur.

Pia eruditione illam celebrare.

1337 Athi imago B. V. *Consolatrix* Luxemburgensis, pompa nobili in templum Societatis, & insigne sacellum illata, theatris per plateas erectis, in quibus exhibebatur expugnatio malorum, pestis, famis, belli ad conspectum *Consolatrix* nostræ. Sodales ciues ad quotidianas B. Virginis Litanias vesperi decantandas, facesque præferendas conuenire frequentes. Ad hanc Virginem *nouendiali* prece ac sacrificio supplices parentes extorrem filiam recepere, quæ cum inter hæreticos versaretur, licet manere istis posset, se tamen arcano instinctu sentiebat inuitari ad redeundum: id quod, collatis temporibus, tunc factum esse compertum est, cum pro illius recuperatione *nouendialis* illa comprecatio fuit ad *Consolatricem* Deiparam instituta. Qui eam verè colunt, in ærumnis *Inundationem* huius maris quasi lac sugent.

Eius imagines pompa solenni celebrare.

Theatra.

Nouendiales preces.

Deut. 33. 19.

Ob. 1655.

Scripto quoque se per illam morti felici parare. Menæa 9. Iulij.

1338 P. Michael Apathi in Deip. Assumptæ festo pro sacro tribunali ab ijs quos expiabat pestem hausit, & mortem. In scheda quæ illius manu scripta, post mortem reperta est, ita scripsit: IESV patientissime, da mihi honore, & amore tui, tuæque sanctissimæ Genitricis mori. Ecclesia Græca: Omnes quidem, inquit, te ô Deipara, ut int. ruentrice valida & efficaci apud Filium Deumque tuum fruuntur, sed nos religiosi præ omnibus, utpote Filio tuo in Cruce confixi.

1339 Constantiæ quidam à scrupulis agitarus, ne.

*Itlam
contra
scrupulos
inuocare.
Menea
24. Aug.*

neque somni, ac iam vix etiam mentis compos, nostri suasu, ad Deiparam spei cognomento insignem abiit; & ibi fufis flagranter precibus, demitigatam sibi à Matre sanctæ spei conscientiam miratus est. In te, ait Ecclesia Græca, ò Virgo, repono spem salutis meæ: absterge me. Mentis meæ euagationes corripge: & salua, & custodi me ab ijs qui per singulos dies crudeliter inuadunt me.

*Ob. 1655.
Noctu corona B.V.
Pf. 117.*

1340 P. Adrianus Horn DEI Matri vnice additus Colonia cum Deiparæ corona in manu (vt aliàs dormire solebat) repertus est in lecto extinctus; quasi diceret illud S. Bonauenturæ: *Conuertere anima mea, in laudem ipsius; & inuenies refrigerium in nouissimis tuis.*

Ob. 1655.

1341 P. Philippus Turisser Nouædomi in id impensè ac feliciter intentus erat, vt si quem hospitem è mechanicis in Urbem aduenisse audiret, eum omni arte atque industriâ in Sodalium cœtum pelliceret, insigni operæ pretio, & Sodalitij incremento.

Sodales.

*Ob. 1655.
In Rheno
Sup.
Laureta-
na domus.
Ode 9.*

1342 P. Iacobus Baunach DEI Matris sanctuarium Lauretanæ Domui vnde quaque simillimum, corrogatis impensis extruxit, annuâque dote instruxit pro missæ sacrificio istic quothebdomadis celebrando. Stabiliamus aliquid honori Virginis, quæ S. Iosepho hymnographo, *stabilimentum, & illuminatio nostra facta est.*

*Aulicum
esse B.V.*

1343 Hoc anno Lugduni editus typis est à P. Iosepho Filere Aulicus *Beatissimæ Virgini deseruiens.* Et certè magnum operæ pretium fecerit qui nobilitatem ad cultum Reginæ cæli pertraxerit. Est in Domo Professa Romana Sodalitas nobilium perantiqua, quæ quot mensibus Sanctum toti cœtui communem sorte capit; quotannis 40. horarum preces appa-

apparatè instruit in templo Professorum triduo ante cineres postremo : & alia multa habet argumenta nobilis pietatis .

1344 Cuidam in Flandrobelgio consilium dederat noster, vt contra dæmonem, cui se addixerat, ope Deiparæ vteretur; & coram eius imagine supplex terram sæpius exoscularetur quotidie. Id aliquando cum ageret, coram illa B. V. imagine, reperit humi chirographum, quo se dæmoni obligarat.

1345 Kaufburæ persuasum est pluribus patribus matribusque familias, vt corona B. Virginis domi palàm è clauo pendeat; quam recitare debet, si cui per inconsiderantiam verbum parum modestum aut decens elapsum est.

1346 Gandavi hoc anno prodigiosa Deiparæ, quæ Mater Gratiæ dicitur, statua in throno excelso supplicatione solentii in templum nostrum, inde diu exul, magno omnium ordinum comitatu plausuque est deportata, fasso ex energumena dæmone, sibi ab ea vires haud parum infractas, ex quo eò est reportata.

ANNO MDCLVI. Soc. 116.

1347 P. Ioannes Neronius post multas preces ad Deiparam fusas didicit, S. Dorotheam ea dote, pollere in cælo, vt suos clientes à rebellatricis carnis sordibus victores seruet, atque defendat. Virgineo suo pudori seruando, & Dei Matrem, & eius instinctu, S. Dorotheam impensè coluit virginitate semper illibatâ; quam tamen ita custodiebat, vt nunquam bibendo sibi tantum indulserit quantum ad hilaritatem est satis; & nullam diem per ipsos 40. annos sine cilicio gestato, inflicisque sibi flagris immunem abire permiserit, etiam à

Tentatio.
Image
B. V.
Oscula
terra.

Examen
particula-
re.

Illam sup-
plicationi-
bus hono-
rare.

ob. 1656.
Prage
25 Aug.

S. Doro-
theam co-
lere.

Mortific.

C c c c

pur-